

SCRIPT OF EVENING GOJRI NEWS BULLETIN 29MAY 2025

1700HRS

اونینگ گو جری نیوز بلیٹن مورخہ 29 مئی 2025

یوہ آکا شوانی جموں بے غلام سرور تے نصرت تیں خبر سُنو۔

HEADLINES

- ۱۔ مرکزی وزیر داخلہ امت شاہ اچ جموں گا ۲ روزہ دورہ ور پُچ رہیا ہیں جت وے لیفٹیننٹ گورنر منوج سنہا تے اعلیٰ حفاظتی افسراں غے نال حفاظتی صورتحال غو جلا یزولیں غا۔
- ۲۔ وزارت داخلہ نے امرناتھ یاترا غے دوران امن وامان نانہہ برقرار دکھن واسطے 581 نیم فوجی کمپنیاں نانہہ جموں کشمیر مانہہ تعینات کرن غی منظوری دتی ہے۔
- ۳۔ وزیر دفاع راج ناتھ سنگھ نے کہیو ہے کہ ہُن پاکستان غے نال مذاکرات صرف دہشت گردی تے پاکستان مقبوضہ کشمیر ور وے غو۔
- ۴۔ آیوش غا وزیر 11 ویں بین القوامی یوگا تہاڑا واسطے بھر پور تیاری کر رہیا ہیں تے ملک بھر مانہہ ایک لکھ تیں متہ یوگا پروگرام منعقد کیا جییں گا۔
- ۵۔ بدرواہ وادی غی پہاڑیاں غی ڈھلان ور پھیلاوا خوبصورت جامنی پھولاں غی بہار تے کوشبودار پوداں تیں اٹھتی خوشبو نے اس سال لاوینڈر غی شاندار فصل غی امید نانہہ مزید بدھا دتو ہے۔

HM JMU VISIT

مرکزی وزیر داخلہ مات شاہ آپریشن سندھورتیں بعد 2 روزہ دورہ ور اچ نماشاں نانہہ جموں پُچ رہیا ہیں آکاشوانی جموں گا نامہنگر نے اطلاع دتی ہے کہ وزیر داخلہ اپنا دورہ غا پروگرام غے مطابق اچ نماشاں ویلے تقریباً 7 بجے جموں پُچے غا اس سلسلہ مانہہ جموں پُچ گے ان کی میٹنگ لیفٹیننٹ گورنر منوج سنہا وزارت داخلہ غا افسراں فوج نیم فوجی دستاں پولیس انٹی لجنیشن ایجنسیاں تے سول انتظامیہ غا اعلیٰ عہدے داراں سنگ اعلیٰ سطح حفاظتی جلا یزہ میٹنگ وے گی۔ تاہم اس طرح آن آلا امرناتھ یاترا نانہہ پُرمان طریقہ سنگ کروایا جان تے دہشت گردی غے خلاف آپریشن تے حفاظتی انتظامات بارے گل بات متوقع ہے اس سلسلہ مانہہ وزیر داخلہ پلک 10 بجے سرحدی ضلع پونچھ تے روانہ ویں غا اس دورا گے دوران وے پاکستانی گولہ باری تیں متاثر کُنباں سنگ ملاقات کریں گا تے ان کُنباں واسطے خصوصی پیکج غو اعلان وی متوقع ہے۔

MHA PARAMILIT DEPLOYMENT

وزارت داخلہ نے امرناتھ یاترا غے پیش نظر جموں کشمیر مانہہ حفاظت نانہہ مزید مضبوط بنان واسطے 581 نیم فوجی دستاں غی تعیناتی نانہہ منظوری دتی ہے یاہ سالانہ یاترا 3 جولائی تیں شروع ہو رہی ہے جموں کشمیر مانہہ پہلاں تیں موجود 156 کمپنیاں مانہہ 91 سی آر پی ایف 30 ایس ایس بی 15 سی آئی ایس ایف 13 بی ایس ایف تے 7 سی ٹی بی پی شامل ہے جن مانہہ بردستہ مانہہ تقریباً 75 تیں 80 اہلکار موجود ہیں وزارت داخلہ نے مزید 425 کمپنیاں نانہہ 10 جون توڑی روانہ کرن غو فیصلو کیو ہے جن مانہہ 130 بی ایس ایف 128 سی آر پی ایف جن مانہہ 5 خواتین کمپنی شامل ہیں 67 ایس ایس پی 55 سی ٹی بی پی تے 45 سی آئی ایس ایف

کمپنی شامل ویں غی۔ تانجے امرناتھ یاترا نانہہ پُر امن تے محفوظ طریقہ سنگ مکمل کیو جاسکے۔

DM TERRORISM

وزیر دفاع راج ناتھ سنگھ نے کہیو کہ میک ان انڈیا قومی سلامتی مانہہ ایک لازمی جز ہے تے آپریشن سندھور گے دوران دہشت گردی غے خلاف بھارت کی موثر کارروائی مانہہ اہم رول ادا کیو ہے اس گل غو ذکر وزیر دفاع نے نویں دہلی مانہہ کنفی ڈریشن آف انڈیا انڈسٹری غا سالانہ بزنس سمٹ غے دوران کیو انہاں نے کیو کہ بھارت نے دہشت گردی غے خلاف اپنی حکمت عملی تے رد عمل دواں نانہہ نواں ڈیزائن تے نویں شکل دتی ہے انہاں نے کہیو۔ اس سلسلہ مانہہ وزیر دفاع نے پاکستان کی دہشت گردی مانہہ وزیر دفاع نے پاکستان کی دہشت گردی گے خلاف بھارت کی فیصلہ کن کارروائی تے مقامی دفاعی نظام کی محنتاں نانہہ سہرايو انہاں نے مزید کہیو کہ بھارت کی سالانہ دفاعی پیداوار 1 لکھ 46 ہزار کروڑ روپیاں تیں ہون توڑی بلند ترین اعداد و شمار نانہہ عبور کر چکی ہے۔

REASI VIKSIT KRISHI

پورا بھارت مانہہ اچ وکست کرشی سنکپل ابھیان غا ناں ور ایک انقلابی زرعی مہم غو آغاز ہو۔ یاہ مہم 29 مئی تیں 12 جون 2025 توڑی جاری رہ غی جس دوران تقریباً ڈیڑھ کروڑ کساناں تک پُجن غو بدف ہے۔ اس بڑی پہل غے سیدھا گراں مانہہ ایک خاص بیداری پروگرام منعقد کی وگیو جس مانہہ کساناں تے زرعی ماہرین نے جوش و خروش تیں حصو لیو۔ آکاشوانی غا خبراں آلہ شعوبہ سنگ گل کرتا واں ریاسی کرشی وگیان کیندر غ اسربراہ ڈاکٹر بنارسی لعل نے اس مہم غا مقصد تے اہداف ور روشنی کہلی۔ انہاں نے مزید اس طرح کہیو۔

RAJOURI VIKSIT KRISHI

وکست کرسی سنکپل ابھیان غو آغاز ضلع راجوری مانہہ وی ہو۔ یاہ مہم کرشی وگیان کیندر راجوری غا سانسدانان غے نال نال مختلف محکماں غ اکئی افسر وی موجود تھا۔ اس موقع ور ترے گڈیاں نانہہ چھنڈی دس غے روانہ کیو گیو۔ جہیڑی اگلا 15 دنان توڑی ضلع راجوری غی ہر پنچایت مانہہ جاغے کساناں غا مسیلاں نانہہ سمجھیں غا تے اُن مانہہ بیداری پیدا کریں غا۔ اس بارے مزید دستا واں ایک افسر نے اس طرح کہیو۔

IDY

ویں بین العوامی یوگا تہاڑا 2025 کی تقریب غا سلسلہ غی تیاریاں بارینویں دہلی مانہہ 11 ایک بین وزارتی کمیٹی غو اجلاس منعقد ہوو اس اجلاس مانہہ یوگا تہارا کی تقریب بارے حکمت عملی ور تبادلہ خیال کیو گیو۔ اس میٹنگ مانہہ اہم وزارتات آیوش اداراں تے سٹیک ہولڈر محکماں گا علی عہدے داراں نے اکٹھی شرکت کی تانجے اس عالمی سطح ور اثر انگیزی بارے وسیع پیمانہ ور شراکت نانہہ یقینی بنایو جاسکے تاہماس طرہ آیوش غا وزیر نے یوگا نانہہ ہر شہری توڑی لے جان غا وزیر اعظم غا وزن کی اہمیت ور زور دتو اس سلسلہ مانہہ 21 جون نانہہ ایک لکھ تیں متا یوگا پروگرام منعقد کیا جے غا جس مانہہ وزیر اعظم اندھرا پردیش

سیشاکھا پٹنم تیں قومی جشن غی قیادت کریں غا۔

LG

گوبائی آسام گا خود دفاعی انسٹکٹر اشمیتا پال نے اج لیفٹیننٹ گورنر منوج سنہا سنگ ملاقات کی اشمیتا پال بیٹی بچاؤ بیٹی پڑھاؤ پہل غا مقصد نانہہ آگے بدھان غا سلسلہ مانہہ گوبائی تیں کشمیر تے کنیا کماری تک ایکلی دوپہیا گڈی غا سفر ور ہیں۔ اس سلسلہ مانہہ لیفٹیننٹ گورنر نے انان نانہہ مبارک باد دتی تے ان غا متاثر کن سفر بارے اپنی نیک خواہشات گو اظہار کیو تے بیٹی بچاؤ بیٹی پڑھاؤ پہل ور بیداری پیدا کرنور پال غی گی کوششاں تے گذریاں غی تعلیم نانہہ باختیار بنان ور انگلی لگن گی تعریف وی کی۔

LAVENDER CROP

بدرواہ وادی غی پہاڑیاں غی ڈھلان ور پھیلا وا خوبصورت جامنی پھولاں غی بہار تے کوشبودار پوداں تیں اٹھتی خوشبو نے اس سال لاوینڈر غی شاندار فصل غی اُمید نانہہ مزید بدھا دتوبے مرمت غا بُد گران تے نیوتا کریاں پنچایت غ تریتی گراں گا کساناں نے ڈاکٹر جتندر سنگھ غو شکریو ادا کیو جنہاں نے پہلی جون 2025 تیں لاوینڈر فیسٹیول گا انعقاد غو اعلان کیو بے کساناں نے کہی و کہ اس تقریب تیں پریل ریولوشن نانہہ عالمی سچ ور پہچان لبے غی اس بار موسم اچھو رہیو تے وقت ور بارش ہون غی وجہ تیں بدرواہ وادی مرمت تے چیلارا مانہہ لاوینڈر غی بہت اچھی فصل ہوی ہے۔ آکاشوانی غا خبران آلا شعوبہ سنگ گل کرتا واں بُد مرمت تیں لاوینڈر نانہہ اُگان آلا کساناں مینا کٹوچ تے سونیا رکوال نے اس طرح کہیو۔

ROAD SAFETY DRIVE

گڈیاں گا محکمہ نے بانہال تے اس غا کول کال غا علاقان مانہہ ٹریفک قوانین غی خلاف ورزی کرن آلاں گے خلاف ایک خصوصی مہم چلائی تانجے عوامی ٹرانسپورٹ غا مسائل گو حل کیو جاسکے۔ تے سڑک حفاظتی اصولاں ور سختی سنگ عمل در آمد نانہہ یقینی بنایو جاسکے۔ یاہ مہم اے آر ٹی او رام بن انجنیر کلڈیپ سنگھ غی قیادت مانہہ چلائی گئی جس مانہہ ایموی پی تے اے ایموی پی افسراں غی ٹیم شامل تھی۔ انجنیر کلڈیپ سنگھ نے دسیو کہ اس خصوصی مہم غے دوران 19 گڈیاں نانہہ چلان کیو گیو تے 5 مختلف گڈیاں نانہہ خلاف ورزیاں ور ضبط کیو گیو۔ انہاں نے مزید کہیو مگرکوٹ اکھراں تے النباس علاقان مانہہ وی ایک ہور مرحلہ مانہہ تفتیش کی گئی جت اکھراں مانہہ مزید گڈیاں نانہہ چلان تے ضبط کیو گیو۔ رام بن اے آر ٹی او انجنیر کلڈیپ سنگھ نے اس بارے اس طرح کہیو۔
